



Le Premier [-sixieme] babillard dv temps : en vers bvrlesqves.

<https://hdl.handle.net/1874/362763>

B A B I L L A R D

D V

T E M P S

E N V E R S

B U R L E S Q U E .



A P A R I S ,

C h e z N I C O L A S D E L A V I G N E
p r è s S a i n ç t H i l a i r e .

M . D C . X L I X .

A V E C P E R M I S S I O N .

BABILLARD

T E M P S

E N V E R S

B A R R E S S O V E



A P A R I S

Chez NICOLAS DE LA VIGNE

des Saints Hieric.

M. DC. XLIX.


AVEC PERMISSION

LE

BABILLARD

D V

TEMPS EN VERS BVRLESQVE.

 VISQVE Babillard or me nomme,
le ne veux espargner nul homme,
le suis sous & remply de vin
le veux parler de Tabarin.

De Tabarin ce Mazinique,
Cest homme peruers & inique,
Qui n'a ny Dieu, ny Foy, ny Loy
Qui a enleué nostre Roy,
Et fait assieger nostre Ville:
Comme vn Meschant & Malhabille
Par ce grand Prince de Condé
Qu'il a enchanté sans tardé
Qui a fillé, chose certaine,
Les yeux de nostre bonne Reyne,

Et qui comme vn mauuais garçon
A fait d'vne estrange façon
Plusieurs personnes empoisonner
Et les autres emprisonner,
Telmoin la Motte Houdancour
Et Monsieur de Beaufort à son tour,
Et Brousel ce Grand Sénateur,
Et plusieurs personnes d'honneur
Qu'il vouloit tous chose certaine,
Faire mourir en tres-grand peine:
Comme il a fait mourir plusieurs
Dessus des eschafaux d'horreur.
Et mais à propos quand i'y pense
Après boire on va à la danse,
Il nous faut quitter ce discours,
Et reprendre vn autre cours,
Et dire que dans la Prouance
D'Alais vouloit mettre en souffrance
Les Habitans & les Bourgeois:
Mais y demeura bien Caiois,
Lors que l'on saisit sa personne,
Qu'incontinent l'on emprisonne
Auec le Duc de Richelieu
Qu'il a loisir de prier Dieu,
Et auec ses Camardes rire
Pendant qu'on saisist les Nauire
Qu'estois à Marseille & Toulon
Pour s'en seruir avec raison:

Mais

Mais n'est ce pas chose nouvelle;
 De dire que des Damoiselle
 Ont mis l'espee à la main
 Le iour de Sainct Sebastiaïn,
 Et ont sauué la Bourgeoisie
 Que de les voir estois rauie.
 Pendant Messieurs du Parlement
 Font vnion veritablement
 Avec Messieurs de Pary,
 Dont Maza in est bien mary,
 Qui de colere & de rage
 Fait faire vn tres-piteux carnage
 Dedans le Bourg de Charanton,
 Où mourût ce Grand Chastillon.
 Pour moy, ie dis que c'est dommage
 D'auoir perdu ce personnage,
 Il auoit monstré sa valeur
 A plusieurs personnes d'honneur.
 Mais qui causa ce grand esclandre;
 C'est Condé, qui ne veut entendre
 Ce iour ny rime ny raison,
 Et qui dedans quelque maison
 A fait mettre & feu & flasme.
 N'est-ce pas pour luy vn grand blasme,
 De permettre que ses soldats
 Comme des larrons & pillards

Mettent les hommes en chemise,
 Et volent les biens de l'Eglise,
 Violent femme & ieune fille,
 Faisant actions inciuille
 Telle que les Turcs & Barbare
 Ne feroient pas, ny les Tartare,
 Et ny mesme les Sarazins:
 Comme ces cruels inhumains,
 Lesquels sont bien tous du Diable,
 Faire ces chose abominable:
 Mais ie croy qu'à la fin Beaufort
 Les pourroit bien mettre à la mort,
 Comme il a desia fait plusieurs.
 Luy & ses gens estans vainqueurs
 Desia en quatre ou cinq rencontre,
 Là où il a defait ces Monstre,
 Comme iadis faisoit Hercule.
 Aucunement il ne recule:
 Car ayant l'espee à la main,
 Il tuë, frappe & abat soudain.
 Ceux qui deuant luy se presente
 S'en reuont l'ame mal-contente
 Les vns ayant les bras cassez,
 Et les membres tous fracassez,
 Et les autres mordans la terre
 Deteste contrent ceste guerre.

Et donnent au Diable l'Autheur
Qui nous cause vn tel malheur:
Mais mal-gré luy & sa falace
Toufiours l'on voit punir l'audace,
Et chastier ses adherans
Qui vouloient prendre nos harans,
Et empescher que les viures
Deuant Paris on ne fit suiure:
Mais Dieu mercy nos Generaux
En font venir tant qu'il en faut:
Car par terre & par eau
Dedans charette & bateau
Ilen vient telle quantité
Que chacun en est contenté
Et encore que ie sois yure
Le diray fort bien que la liure
Du meilleur pain, & plus blancs
Ne vaudra plus dorefnauans
Que deux sols, chose asseuree.
I'en ay entendu la crie
Et l'Ordonnance asseurement
De nos Messieurs du Parlement,
Qui par vn Arrest équitable
Ont fait vn action loüable,
Faisant expres commandement
Aux Boulangers promptement

Cuisent, chose de remarque,
Du pain qui portera sa marque,
Pour tesmoigner sa pesanteur,
Son prix, & sa iuste valeur.
Voila la plus iuste Ordonnance
Que iamais on ait fait en France:
Mais à propos, disons vn peu,
Va t'on point estaindre ce feu,
Ceste infame & civil guerre
Qui met tant de monde par terre?
Oüy: on dit que la Conferance
Est ouuerte, & que d'assurance
Dans peu de temps assurement
Nous aurons quelque changement.
Cependant le monde murmure,
Et dit qu'à ceste ouuerture
Mazarin est ven enu poste:
Mais on luy a fermé la porte,
En luy disant franc & net
Qu'on ne vouloit de son caquet.
Voila Lecteur en bref langage
Mon Babillard: & mais ie gage
Que celuy n'est bon Babillard
Qui à la bourse n'a vn liard.

F I N.